

مشتاقنامه

محل مطبعه و اداره :

جفال اوغلنده امنیت
صندوقی جوارنده
شکول بقوشنده
۲۲ نومرو

اضطار :

مسلمکزه موافق آثار
جدیه مع المنونیه
قبول اولور

درج ایدلمه آثار اعاده اولماز

دین ، فلسفه ، علوم ، حقوق ، ادبیات تاریخ ، سیاست ، احوال و شؤون اسلامیه و غیره بر نشر اولور .

صاحب و مؤسسه :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۱۳۲۴

آپونه بدلی

سنه لکی

مالک عثمانیه ایچون	۶۰	۳۵	۳۰
روسیه	۶۰	۳۰	۳۰
سائر مالک اجنبیه	۱۷	۹	۹

در سعادته نسخه سی ۵۰ پاره در

قیرلهدن مقوا بورو ایله کوندربلیرسه سنوی
۲۰ غروش فضله آلنیر

عدد : ۱۳۲

۱۴ ربیع الاول پنجمین ۳۲۶

آلتنجی جلد

لیله . ولدانی (صلح)

اون درت عصر اولکی مشیمه ک سنک ای لیل ،

بر نور سماپاره طوغورمشدی ، دکلکی ؟

آغوشکی بر آج : کوره لم طیفنی اولسون . .

سینه کده نهاندر ، صانیرم ، یاد یتیمی .

یارب ، او حرمکده یوزن در یتیمک

تا حشره قدر شرعی یتیم اولماسین . . آمین !

نفسیه شریف

انوارت آن

۲۳ - وان کنتم فی ریب مما نزلنا علی عبدنا فاتوا بسورة

من مثله وادعوا شهدائکم من دون الله ان کنتم صادقین

[آیات تکوینیه نیک ، آثار ربوبیتک سردوبیانیه وجود باری ، وحدانیت الهی تقریر بیورلمش ایدی . عقبنده دخی رسول اکرمک اثبات نبوتی اوزرینه قرآنک اعجازی حجت اوله رق اقامه ایدیلوب شویله . بیورولور : [قولمز [حامل وحی حضرت محمد مصطفی صلی الله علیه وسلم] هـ [نجماً فنجماً] تنزیل ایلدیکمز شیدن اکر سز ریب وکانده ایسه کز [یعنی قرآنک وقت وقت تجدد ایدن احوال و

وقایعه کبره سوره سوره آیت آیت نزول ایلیمسندن طولانی بونی بلغا
وا کابر ناهیک احوال متجدده و حاجات سانجهیه نظراً ایراد کلام ایتلیرینه
مشابه بوله رق من عند الله وحی منزل اولدیغنده شبهه کز وارسه [و
[شو صورتله قرآنک کلام بشر اولدیغنه دائر ادعا کزده] صادق
ایسه کز انک مثلندن بر سوره اتیان ایدک [هدایت وارشادده اخلاق
الهییه اشتمالده فصاحت و بلاغته جاذبه لطفیه کولکلری تسخیرده
اکا نمائل و معادل بر سوره وجوده کتورک . سز شوکت فصاحت و
بلاغتک ذروه علیای کاله ارتقا ایلدیکی بر عصرک شمسواران بلاغتی
سکمز ؛ مادامک قرآنک وحی منزل اولدیغنده شبهه کز واردر ؛
مادامک انک کلام بشر اولدیغنی ادعاسنده کندیگری صادق کورپورسکمز ،
مادامک انک اوقات مختلفه ده جسته جسته ورودی سزک انکاریکزده
وسيله اولور ، انک بر دفعه سنه بر جسته سنه نظیره اوله رق سزده بر
سوره سویله یک [و [سزه یاردم ایتک اوزره] اللهدن بشقه شهدا کزی
[بتون اعوان و انصار کزی] چاغیرک [لیکن سز سور قرآنیه نیک
بر سورده سنه بیله نظیره کتوره مزسکمز ، سزده اعوان و انصار کزده
بوندن عاجزدر ، شو حالده آیاتندن هر بر آیتده نور حق لمعان ایدن
قرآنک وحی منزل اولدیغنی وانی تبلیغ ایدن رسول مجتبی نیک وحی
الهی و مدد سماوی ایله مؤید بولندیغنی بیلک . بر امی به قرق سنه صکره
افاضه علوم ایدن قرآنی کوش جانله دکله یک باقک مکارم اخلاقه ،
معانی انسانیته ، جمعیت بشریه نیک آسایش و ارتقا و کالنه دائر نه عالی
حقائق تبلیغ ایدیور . [مخاطبلیرینه دمام قرآن کریم ، نخوت و
غیرتی تهییج ایدن بوکی آیات صادعه ایله تحدی ایدیور ایدی ، انار
ایسه شوکت کلامک سوائف ایامده امثالی کورلماش درجه ارتقا ایلدیکی
بر عصرده اسالیب و فنون بلاغت کندیلیرینه مسیخر پیشوایان اهل

سخن ایدیلر . نظم اثر آهروادیده سوزسوزیلر ، سوبلدکلریلا افتخار و تباهی ایدرلر ایدی ؛ عرض کالای فصاحت و بلاغت ایچون جمعیتلر عقد و پنایرلر کشاد ایدرلر ایدی . آوازه بلاغتلی بی-ون آفاق ادبه یایلمش ایدی . مع هذا بوسرامدان سخوراندن هیچ بر فرد قرآنه معارضهیه تصدی و قیام ایتدی . ایددی شک یوقدرکه الله تعالی بو کلامی رونق و حلاوتجه تأثیر و جاذبه جه هدایت و ارشادجه بشرک ارتقا ایدمهیه جه کی درجهیه رفع و اعلا ایلمشدر ، اوالله ذوالجلال که انلرک منتهای استطاعتلرینه آشنا و ازمه قدرتلرینه مالکدر .

قرآنک بلاغتی حقنده سوزسوزیلانلر دیدیلرکه بزقرآنی کوریورزکه اوبلغانک التزام ایللمش اولدقلری سجع وارسالدن شعر وارجوزه لرندن هیچ برینی التزام ایتماشمدر . اویله بر طرز فطری اویله براسلوب ساده اوزره وارد اولمشدرکه انی تقلید ایلماک هرکس ایچون سهل اوور . بویله ایکن انلر عاجز قالب قرآنه مماثل برسوره اتیان ایتدکلری کی دیگرلری ده اتیان ایدمهزلر [یعنی سهل ممتنع بر کلام ربانی در] صکره شونی ده ملاحظه ایدیورزکه بو اسلوب اوزره وارد اولان قرآن ایلله بعید و متفرق دیار واقطارده واقع کافه عرب تحمدی ایدلمش ، اطراف و کنافه مبعوثلر کوندریلرک ناس ایمان بالقرآنه دعوت اولمش ، بوصورتله امر دعوت دیار عربک هر طرفنه تعمیم اولنهرق قرآنی ایشتمک کیمسه قالماش ایکن دیدیکمز کی هیچ بر فرد بالقوبده اکا معارضه ایتماشمدر . بو حال عجزک نهایتنه و جملهیه شمولنه و هر بلیغک قرآنه معارضه دن و تقلیدینه پرواز و اعتلادن نفسنده ضعف حس ایلدیکنه و جناب قادر مطلق قرآنی خارق عاده اولهرق بشرک کسب و قدرتلی فوقانه بر امتیاز ایلله ممتاز قلدینه دلالت ایتزمی ؟ شبهه-مز دلالت ایدر . بواع-عجازک ایکی وجهی وارددر . بریسی قرآن بشرک ارتقا ایتمی ممکن اولمگنی بر مرتبهده بولنسیله بذاته معجز اولسی در ، ایکنجیسی مابعد علمده نشوونما بولمامش و قرق یاشنه کلنجهیه ذک بلاغت ایلله توصیف اولنماش اولان برای محترمک لسانی اوزره وزود ایللمسی در - ع .

بر معجزه درکه نور قرآن

طوردقجه جهان طورر نمایان

تاروز قیام اولور صلاکو

ارباب شکوکه امر [فأتو]

اعجاز دکلیدرکه باری

تغیردن انی قیلدی عاری

بونجه فزات ایچنده اغیار

تخریفنه اولمدی ظفرکار

مقدمه خرابات

شرطک حصولنده « و ان کنتم فی ریب » قول شریفنده [ان] کلمه سی شک افاده ایدر اداة شرط اولوب جناب حق ایسه شکدن منزله اولدینی جهتهله بومقامده کله مذکورده نک استعمالی مناسب دکلدردیه و همه خطور ایدن شی وارد دکلدرد ، زیرا بوراده کله مذکورده هر

محاورات ناسده معتاد اولان اسلوب اوزره متحقق الوقوع حال و کیفیتده استعمال اولنمشدر . عربک « ان کنتم انی فاطعی » قولی بو یولده کی محاوراتدن بریدر . مخاطب کنیدیسنک اوغلی اولدینی متکلم بیلدیککی خالده اکا نصح و پند ایچون [اگر سن بنم اوغلم ایسه ک بکا اطاعت ایت] دیور . ترجمه نن مستفاد اولدینی اوزره بو اسلوب ترکجهده دخی استعمال اولنور . لسانمزه [یرک اوستی وارسه الی ده وار] سوزی دخی زبانزددر ؛ بوده شو اسلوبک لسانمزه ده مألوف اولدینی تأیید ایدر . « ان کنتم صادقین » قول شریفندن نمایان اولدینی وجهه ایلله مخاطب-ین قرآنک کلام بشر اولدینی جزم ایتش برکروه جاحدین ایکن انلرک قرآن حقنده کی اعتقادلرندر [ریب] ایلله تمیز بیورلمسی ، دلائل اعجازک کال وضوحه و نهایت قوتنه مبنی انلرک بو جزم و تیقنلری بر ریب ضعیف منزله سنده بولندیغه تنبیه ایچوندرد - س ش .

ریبک حصولندن کله شک ایلله تعزیر ایدلمسی ، نور قرآن آیات فرقانیدن هر برنده لمان ایدرک قرآنده حق بذاته ظاهر اولدینی جهتهله انده ارتیاب ایدلماک ایجاب ایلدیککی اشعار ایچوندرد . فقط کوز معلول اولنجه نور ضیح انفلاق ایلدیککی هنکامده بیله شبهه-مز ریب وکان ایدر .

اذالم تکن للمرء عین صحیحة

فلاغرو ان یرتاب و الصبح مسفر

تزییل ، ارجله معنایی بیان ایدلمش اولان انزال ماده سندنرد ؛ شو قدرکه [نزل] صیغه سی قرآنک وقتاً بوقت جسته جسته نزول ایلدیککی افاده ایدرکه واقع اولانده بودر ؛ [انزل] صیغه سی ده بوکا نافی دکلدرد - ع .

تدریجی انبا ایدن تزییل کله سنک مطلق اولان انزال اوزرینه تعبیرده ترجیح بیورلمسی ، انلرک منشأ ارتیابلرینی تذکیر ایدوبده ارخاء لاعنان و توسیعاً للمیدان تحدی بی انک اوزرینه بنا ایلماک ایچوندرد ؛ یعنی انار قرآنک نجماً فنجماً نزولنی انی انکاره وسیله اتخاذ ایلدکلرندن قرآنک مجموعنه دکل ؛ یالکمز بر دوه سنه یالکمز بر جسته سنه نظیره کتورملری کنیدلرندن طلب اولنهرق وسیله انکار ایتدکلری حال و کیفیت ایلله عجزلرینی کنیدلرینه اعتراف ایتدیرمک ایچوندرکه بو صورت غایه تبکیک و منتهای ازاحه عللدر - ع .

سوره : قرآن عظیمک اسم مخصوص ایلله تسمیه اولنمش و تلقیب قسمی در . اقل سوره اوچ آیتدر . آیه الکرسی عنوان عزتی ایلله شهرتیاب اولان آیت کریمه نک شهرت واقعه سی تسمیه و تلقیب درجه سنه واصل اولمدینی جهتهله ذکر اولنمان تعریفه اغیارینی مانع دکلدرد دیه اعتراض توجه ایتمز-ش [سوره] نک راوی اصلیدر . و کنیدیسی سور بلندن منقولدر . سور بلده بلده بی محیط اولدینی کی سوره شریفه دخی بر قسم قرآنی محیط و جامع بولندیغندن سور بلدهیه تشبیه اولنمشدر . و یاخود سوره ، رتبه ودرجه مناسنه اولان سورده دن نقل ایدلمشدر ؛ چونکه سور قرآن یا فضل و شرف و یا طول و قصر اعتباریله حد ذاتلرله مرتبه مرتبه

درجه درجه اولی که برابر مصحف شریفه هر بر سوره اخواتیه انتظام و آنکه نظر ادخی مرتبه مرتبه درجه درجه اوله ورق قاره او مراتب و در جاتدن تدریجاً ارتقا ایدر - س .

[من مثله] نك ضمیری [ما نزلنا] به ، یعنی قرآنه یا خود [علی عبدنا] به راجع بدر . ضمیر منزل علیه راجع اولدیفنه کوره معنای آیت : اکر سبز قولنر محمد مصطفی صلی الله علیه و سلمه نجمه آفجهماً انزال ایلدیکمز قرآنک وحی منزل اولدیفنده شک و شبهه ایدیورسه کز آنک کبی او قومامش تحصیل کورمانش برامیدن برتک سوره قرآنه مماثل و معادل بر سوره کتورک دیمک اولور . فقط ضمیرک منزله راجع اولمسی بش وجه ایله مرجعدر . اولاً . [فلیأتوا بحديث مثله] ، [فأتوا بعشر سور مثله] ، [قل لئن اجتمعت الانس والجن علی ان یأتوا بمثل هذا القرآن لایأتون بمثله] کبی دهانه قدر آیات تحدی وار ایسه انلره موافقتی ؛ چونکه بونلرک جمله سنده ماتی نك منزله مماثلتی نظر اعتباره المشردر ، یوقسه منزل علیهک مماثلندن حصوا کلوب کلامسی جای نظر دکلدر . ثانیاً ، حسن ترتیبی یعنی آخر کلامک اوله ربطتی محافظه در ، حسن ترتیبی محافظه ایسه محل ریب منزل اولوب منزل علیه اولدیفندن منزلهک مثلی طلب اولمقله حاصل اولور . ثالثاً ، جم غفیره منزلهک مثلی کتورک دیه خطاب ایلیمک ، انلره برامی نك کتور دیکنی آنک کبی ایچکزدن بر دیکر امی کتورسون دیه سویامکدن البته تحدی و تبکیتجه دهاییلغدر . برجم غفیرک معارضه سنی طلب ایله برامی نك معارضه سنی طلب ارمه سنده طاغیر قدر فرق واردر . رابعاً ، « قل لئن اجتمعت الانس والجن علی ان یأتوا بمثل هذا القرآن لایأتون بمثله » قول شریفده بیان بیوردیفنی اوزره منزلهک اعجازی منزل علیهک امی اولمسنه نسبت ایله اولمیبوب حد ذاتنده معجز بولمسیله در ، حالبوکه ضمیر منزل علیه راجع ایدلسه اعجازک بالنسبه اولدیفنی منقهم اولور . خامساً ، ضمیرک [عبدنا] به راجعی منزلهک اوعبد کبی امی اولمیانلردن صدوری ممکن اولدیفنی ایهام ایدر ؛ حالبوکه « وادعوا شهداءکم من دون الله » قول شریفی ایله اولان ندا و صلابوکا ملائم دکلدر - ک ق ش . شیخ محمد عبده مرحوم ضمیرک منزله رجوعی راجع اولدیفنه دائر شو تعداد ایلدیکمز وجوهی البته تفاسیرده کورمشدر ؛ مع مافیه مرحوم بشقه بر نقطه نظرندن ضمیرک [عبدنا] به رجوعی راجع عد ایلیمش .

شهداء ، شهیدک جمعی در ؛ فقهاء فنیهک ، ظرفاء ظریفک جمعی اولدیفنی کبی . شهید : حاضر ، یا خود قائم بالشهادة [شاهد] ، یا خود ناصر ، یا خود امام معنسنده در . امامه شهید اسمیه ایدلسی ، کندیسبی دیوانده حاضر اولوب ده مهم امور محضرنده رؤیت ایلدیکبی ایچون اولسه کرکدر . مقتول فی سبیل الله شهید اطلاق ارنمسی ده الطاف الهیه دن امیدوار بولندیفنی نعیم دائم ابدی به حاضر و ملاقی اولدیفنی ایچوندر . امام واحدی بو آیت کریمه نك تفسیرنده : ابن عباس رضی الله عنهما حاضر تلرینک شهداءکم لفظ شریفنی [اعوانکم و انصارکم] دیه تفسیر بیوردیفنی ذکر ایلیمشدر . ق ش .

لسانمزه کرک شهید و کرک جمعی اولان شهداء یالکمز مقتول فی سبیل

لله معنسنده مستعملدر . [دون] لفظی مننای اصایسی اعتباریه برشیک دیکر شیدن موقماً مکاناً منحط بولندیفنی افاده ایدرو مثلاً [زید درن عمرو] دینورکه شو ترکیب بو معنی اعتباریه زیدک ، عمروک الت طرفنده الحق بر یرده بولندیفنی کوسترر ، صکره بطریق الا - ستعاره برشیک دیکر شیدن شرف و اعتبارجه منحط اولدیفنی معنسنده استعمال ایدلدی و مثلاً زید عمروک دوننده در دینلجه اولکینسک ایکنجیسندن شرف و اعتبارجه منحط اولدیفنی معنای مراد ایدیلور اولدی . ده صکره اساع اولنه رق ایکی شیدن برینک آخردن انحطاطی ملاحظه اولنمقسنزین برحدک دیکر حدی تجاوزی و بر حکمک دیکر حکمی تخطیسندن استعمال اولندی و عادتاً اداة استثنا مقامنه قائم اولدی . لسانمزه دون کلهسی یالکمز شرف و اعتبارجه منحط معنسنده مستعملدر .

« ان کنتم صادقین » جمله سنک جوابی [فأتوا بسورة من مثله ..] در . ماقبلک دلالتنه مبنی حذف اولمشدر .

فان لم تفعلوا ولن تفعلوا فاتقوا النار التي وقودها الناس

والحجارة اعدت للكافرين

[جناب حق مخاطبینی رسول اکرمک رسالتنه و تبلیغ بیوردیفنی قرآنه دائر جستجو ایتدکری جهته آیت سابقه ده ارشاد ایتمش ایدی ، شمدی ده : سز قرآنه معارضه خصوصنده بذل غایه مقدرت ایتدیکمز حالده اکا مماثل و معادل برشی ایتانندن جمله عاجز قالمش اولدیفکزدن آنک معجز اولوب تصدیق واجب اولدیفنی نمایان اولمقله اکا ایمان ایدک و تکذیب ایدلره تهیه ایدلمش اولان عذابدن حذر ایلیمک دیه بو ارشاده بر فذلک و خلاصه مقامنده تقریر ایدرهک بیوریور : ایدمی [او قدر صرف مقدرت ایلدکن صکره بونی] یا ایدیکمز [اکا مماثل بر سوره کتورمدیکمز] ایسه که البته یا ایدیکمز [البته اکا مماثل بر سوره کتورمیه جکسکزدن] ، چونکه مخلوقینک طاقتی فوقنده در [او حالده اول آتشدن حذر ایدک که آنک وقودی ناس ایله حجاره در] هیکمز بو قدر او غراشمش ایکن قرآنک بر سورده سنه بیله نظیره کتورمکدن عجز کز تحقق ایلدی و بوندن بویله دخی الی الابد عجز کز محقق و مؤکددر ، شو حالده ارتق قرآنک من عندالله منزل اولدیفنی انکارده عناد و اصرار ایدوب ده عذاب ناره مستحق اولمقندن تحاشی ایدک ؛ معاذالله او بر نار هولنا کدر که بیلد یکمز دنیا آتشری کبی او طون ویا چورچوب ویا سائر ایله دکل ، معبود اتخاذا قلنان احجار منحوته و انلره پرستش ایدن گروه ناس ایله اشغال اولنور . او آتش [بویله برره ان ساطعندن صکره ینه حق انکار ایدن سزک کبی] کافرلر ایچون اعداد و تهیه ایدلمشدر .

بومقامده نبوت محمدیه نك اثباتنه ایکی دلیل وار ؛ بری کندیسبیله تحدی اولنان قرآنک جاحد لرنی نظیره کتورمکدن عاجز بر ارقسی ، دیکری ده جاحد لرنک بونی یا پهمیه جقلری خبر ویرلمسی که بوالله دن بشقه کیسه نك بیلیمدیک بر مجهولی اخبار اولدیفندن معجزه باهره در . رسول

اگر می وحی ایله ممتاز قیلان الله که سماوات و ارضک غینی و منکر لرک قرآنه معارضه دن عجز لرینی بیلور ، اکر انی انطاق ایتیه ایدی ، عقلاً ممکن بر خصوصده ذات نبوتینا هله کی بر عاقلدن « وان تفعلوا » دیه مؤکد و یامؤید بویه بر نفی استقبالیکن صدور می ممکن می ایدی ؟ اکر قرآنک منزل من عند الله اولدیغنی انکار ایدنلر قرآنه فی الجمله مقارب برشی ایله معارضه ایتسه لر ایدی قرآنه بونجه طعن ایدنلره قارشو ستری قابل اولور می ایدی ؟ بویه بر حال ظهور ایلده ایدی بتون آفاق جهانه انتشار و رواه ارمسندده خلفا شبهه سز عن سلف دوران و انتقال ایلر ایدی ،

مخاطبینک نظیره ایتانندن عجز لر می مجزوم بولندیغنی جهته [فاذا لم تفعلوا] ذیلکم ایجاب ایدر ایکن جمله شرطیه نك شك افاده ایدن [ان] کلمه سیله تصدیق ایدلمی ، انلر کندی لرینی تجربه ایتزدن اول قوه فصاحت و بلاغت لرینه اغزاراً قرآنه نظیره سويلمکه نفس لرنده اقتدار وار ظن ایلدکلرندن یا انلرک بو ظن لرینه مماشات ایچوند و یا کندی لر یله تمکم ایچوند - ق ش .

« وان تفعلوا » جمله سی جمله شرطیه نك ایکی جزئی ارمسندده حیولت ایتش جمله اعتراض ایدر که مقدمه شرطیه نك مضمونی تقریر وتالی شرطیه ایله عملک ایجابی تأکید ایدور - س ،

« فاتقوا النار » جمله قدسیه سیله امر اولنان حذر نار ، ترك عناددن کنایه در . یعنی مادامکه قرآنه نظیره سويلمکدن عجز کز نمایان اولدی والی الابد عجز کزده محققدر ، شو حالده عنادی ترك ایدوب اکا ایمان ایدک ، زیرا عنادی ترك ایتماک عذاب ناردن حذر ایتماک دیمکدر معناسنی مفیددر . بویاده کی عناد و اصرار آتسه صالدر مق دیمک اوله رق عاقبتی یک وخیم اولدیغنی بر طرز ایجاب ایله افهام ایچوندر که بواسلوب شریف اختیار اولمشدر - ق .

وقود : واوک فحیله ، آتش یا قه جق او طونه و سائر چور چوپه

دینور که طورتق تعبیر اولنور ، فارسیده آتش افروز دیرلر - ترجمه قاموس . حجاره : حجرك جمعی در . بوراده حجاره ایله مراد ، اوئان پرسناک تحت ایدوب عبادت ایلدکاری اصنامدر که انلرک شفاعتته امید وار اولورلر و عند الله انلرک قرب و منزلت لرینه مبنی کندی لر یله دفع مضار ایده جکلرینی اعتقاد ایلرلر ، « انکم و ماتعبدون من دون الله حصص جهنم » قول شریفی بوکا دلالت ایدر . بونلر منشأ جرملری اولان شیلر ایله تعذیب اولمشلردر ، فصل کیم کفار خیرات و حسناته صرف ایتیب و ده کنز و امساک ایلدکاری سیم و زر ایله تعذیب ایدمشلردر - ق .

جناب حق مخاطبین اوزرینه عجزی تسجیل ایلدکدن صکره « فاتقوا النار » بیوردی . اونار عذاب آخرتک موطن و موقعی وانک آلا نندن بر آلتی در ؛ الله تعالی نك اخبار ایلدیکی شی عالم غیب دن اولدیغنی جهته بزا اکا ایمان ایدرز ، حقیقتندن بحث ایتیز ، اونار نه نار دنیا به شیه در نه ده غیر شیه در دیرز بزا اکا انجق ذات الوهیتک « التي وقودها الناس والحجارة » قول شریفی کی توصیف ایلدیکی جمیع اوصافی اکا اثبات ایلرز . حجاره ایله مراد ، « انکم و ماتعبدون من دون الله حصص جهنم » قول کریمنده اولدیغنی کی اصنامدر . او آتشک انجق ناس و حجاره نك وجود یله موجود اولدیغنی البته خاطره کز ، زیرا او آتشک وجودندن صکره بونلرک آکا آلت اشتعال اولملری ده صحیح و جائزدر . حجاره نك تخصیص بالذکر بیورلمی ، عند العرب احجار اظهر معبودات اولدیغنی ایچوند - ع .

« اعدت للكافرين » جمله سی استیفاف اولوب اعرابدن محل بوقدر . اعداد : تهیه ، و آماده ایتماک معناسنده در .

برکت زاده

اسماعیل حق

التجريد الصحيح

لاحديث الجامع الصحيح

۱۰۶ - ترجمه

انس (بن مالك) رضی الله عنہك شویله دیدیکی روایت اولونیور : معاذ (بن جبل) دود اوستنده رسول الله صلی الله علیه وسلمک ترکیسنده ایدی . « یا معاذ ! » دیه ندا بیوردی . (معاذ) : « لییک یارسول الله ! بیور » دیدی . ینه : « یا معاذ ! » دیه چاغردی . اوینه « لییک یارسول الله ! بیور » دیدی . (وبو) اوج که (واقع اولدی) (اوچنچیسنده) : « هیچ برکیمسه یوقدر که قلبندن تصدیق ایدمک اللهدن باشقه اله اولمدیغنه و محمدک رسول الله اولدیغنه شهادت ایتسون ده الله (تعالی) اونی (جهنم) آتشنه حرام ایتسون بیوردی . (معاذ) : « یارسول الله ، بونی

۱۰۵ - حدیث شریف

عن انس رضی الله عنه قال : کان معاذ رديف رسول الله صلى الله عليه وسلم على الرحل : فقال يا معاذ . [۱] قال لييك يارسول الله وسعديك . قال يا معاذ . قال لييك يارسول الله وسعديك ثلاثا . قال ما من احد يشهدان لاله الا الله وان محمدا رسول الله صدقا من قلبه الا حرمه الله على النار . قال [۱] الله کی بخاری نسخه لرنده (یا معاذ بن جبل) [۲] اکثر روایاته